



**Rvperti Ab||batis Monasterii || Tvitiensis Ordinis S.  
Benedicti The||ologi antiqui, Opera duo, ut egregia sanè,  
ita diu desiderata, multoq[ue] || labore perquisita, ac  
sumptu haud ita modico ...**

**Rupert <von Deutz>**

**Colonia, M. D. XXVI.**

**VD16 R 3796**

Quàm ob causam idem sacramentum spiritus septiformis congruum fuerit  
septe[m] columnarum appellatione designari, cur & Esaias ordine  
conuerso spiritus eosdem ordinans à spiritu sapientię descenderit, ...

---

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)

solum quod rationalis cognitus, uerum etiam (quod maximum est) spiritualis intelligentiæ capax. Deniq; & si tunc primus homo non intellexit, & post eum quam plurimi (sicut scriptum est) homo, cū honore esset, non intellexit, comparatus est iumentis insipientibus, & similis factus est illis. Et rursum, animalis homo non percipit ea quæ fecit deus: at tamen spirituales fuerunt, & sunt multi, magnus enim dominus, quos uoluit, multos spiritu intelligentiæ repleuit. ¶ A die septimo, cui deus benedixit, & in quo requieuit, quem sanctificauit. Propter hoc ipsum, ut in ipso requieuit, in quantum iam in hac uita uel percipi uel gustari potest, requies illa, cuiusmodi sit, cognoscitur spiritus sanctus, quod spiritus sit sapientiæ: quia uere ad magnam sapientiam adducit illum, quem docilem facit illius dictis: Tollite iugum meum super uos, & discite à me, quia mitis sum & humilis corde, & inuenietis requiem animabus uestris. Ista requies sapientiæ est, quam spiritus sanctus efficit, id est, participatio sapientiæ increatæ, quæ est ipsum uerbum dei, sapientiæ patris.

¶ Quam ob causam idem sacramentum spiritus septiformis congruè fuerit septem columnarum appellatione designari, cur & Esaias ordinem uersum spiritus eisdem ordinans, a spiritu sapientiæ descendit, ad spiritum timoris. Ca. V.



N quantum potuit sermo fidelis fontem lucidum adiuit, de quo riuus emanauit per ora multorum, dicentium similia huic, qui cum dixisset, sapientiæ ædificauit sibi domum, secutus ait, excidit columnas septem. ¶ Quam uero ob causam, iam dictum septiformis spiritus sacramentum designari conueniebat appellatione septem columnarum? Nimiram propter gloriam magnam & honorem huius altissimi filij hominis, quia uidelicet templum corporis eius, ipsa est domus quam sapientiæ sibi ædificauit. Domus autem, quæ super columnas ædificata est, profecto ex ipsis columnis firmitatem pariter & pulchritudinem habet & alta est. Si igitur columnas aspicias, quas nunc ordine digestas demonstrauimus, nonne talis positio domus sapientiæ illa est exaltatio filij hominis, de qua scriptum fuerat iam dudum, gloria & honore coronasti eum & constituisti eum super opera manuum tuarum? ¶ Deniq; & dominus est angelorum sanctorum, & dominus firmamenti, id est, cœli, & dominus terræ siue paradyssi, & maris, & dominus solis & lunæ & stellarum, & dominus omnium creaturarum quas aquæ produxerunt & quæ de terra productæ sunt, & dominus totius generis humani, & dominus etiam sabbati, id est, patriæ cœlestis, in qua est plenitudo illius, quam speramus, requiei. Vere magna domus pulchra & altissima domus. ¶ Ipse septiformis spiritus, in eadem domo plenarie habitat quietissime: nullam enim unquam passus est, ibi offensam alicuius culpæ seu negligentiæ. Hoc est quod Esaias dixit. Et requiescet super eum spiritus domini. ¶ Quod autem eisdem spiritus aliter subordinauit, primum ponens spiritum sapientiæ: septimum autem spiritum timoris: causam siue rationem hanc habet. Quia dominus noster Iesus Christus, cuius aduentus prædicebatur de altissimo sapiente secreto, & magna requie sua, de sinu patris huc descendit, usq; ad obedientiam & mortem crucis, quæ uidelicet obedientia, religiosus in ipso erat timor domini: nos autem, quorum ad eruditionem siue correptionem scripta sunt opera illa patris & filij & spiritus sancti, à timore incipimus, & in sapientiâ perficimur, sicut alia scriptura dicit: Initium sapientiæ timor domini.

¶ De ædificatione huius domus domini, & quod ibi factum sit illud quod psalmista dixit, misericordia & ueritas obuiauerunt sibi, iusticia & pax osculatae sunt.

Caput .VI.



Vomodo factum est istud? Quomodo ædificata est ista domus? Malleus & securis & omne ferramentum non sunt audita in domo, cum ædificaretur, sed in secreto silentio, nulla interstrepente humani operis inquietudine, spiritus sanctus, qui in principio ferebatur super aquas, in beatam uirginem superuenit, eiusq; utero ineffabiliter obumbravit, in modum uolucris ouum subiectum desideratissimam sessionem calefacientis. Qua tñ similitudine, nisi ante nos præsumpta fuisset, forte nostra infirmitas in tanto mysterio uti non auderet. ¶ Tunc itaq; factum est illud, quod psalmista dixit. K sta cap.

Psalm. 46.

1. Cor. 2.

Spūs sapiētiae die septimo.

Mat. 11.

Prouer. 9.

Cur septē spiritus dñi dicuntur septē columnæ domus.

Psalm. 8.

Filius hominis, dñs est omnium rerum

Mat. 12.

Plena reges premissi spirituum in Christo.

Esa. 11.

Duplex ordo septē spirituum

Psalm. 110.

3. Reg. 6.

Spūs sc̄tus obumbravit uerum Mariæ. Lucæ. 1.